

讀書  
雜志

墨子書舊無注釋亦無校本故脫誤不可讀至近時盧氏抱經孫氏淵如始有校本多所是正乾隆癸卯畢氏弇山重加校訂所正復多於前然尙未該備且多誤改誤釋者予不揣寡昧復合各本及羣書治要諸書所引詳爲校正是書傳刻之本唯道藏本爲最優其藏本未誤而佗本皆誤及盧畢孫三家已加訂正者皆不復羅列唯舊校所未及及所校尙有未當者復加考正是書錯簡甚多盧氏所已改者唯辭過篇一條其尙賢下篇尙同中篇兼愛中篇非樂上篇非命中篇及備城門備穴二篇皆有錯簡自十餘字至三百四十餘字不等

並見

六卷


未 其他脫至數十字誤字衍字顛倒字及後人妄改

者尚多皆一一詳辯之以復其舊此外脫誤不可讀者

尚復不少蓋墨子非樂非儒久為學者所黜故至今迄

無校本而脫誤一至於是然是書以無校本而脫誤難

讀亦以無校本而古字未改可與說文相證如說文昌

字篆文作隸作亨又省作亨以為亨通之亨又轉為

晉庚反以為亨煮之亨今經典中亨煮字皆作亨

俗又作烹

亨行而亨廢矣唯非儒篇子路享

晉庚反

豚其字尚作享

說文苟

讀若亟其乘屋之亟

自急敕也今經典皆以亟代苟亟行

而苟廢矣唯非儒篇羅與女為苟生今與文為苟義其

字尙作苟說文但裼也今經典皆以袒代但袒行而但

廢矣唯耕柱篇羊牛犒祭雜

與饗同今本雜譌作維

人但割而和

之其字尙作但又有傳寫之譌可以考見古字者城郭

之郭說文本作辜今經典皆以郭代辜郭行而辜廢矣

唯所染篇云晉文染於舅犯高偃案國語晉有郭偃無

高偃郭卽辜之借字知高爲辜之譌也說文敖古文殺

字今經典中有殺無敖殺行而敖廢矣唯尙賢中篇云

率天下之民以詬天侮鬼賤傲萬民案賤傲二字語意

不倫賤乃賊字之譌殺字古文作敖與敖相似知敖譌

作敖又譌作傲也

說詳說文佚反本篇

送也呂不韋曰有

佚氏以伊尹佚女今經典皆以媵代佚媵行而佚寔矣

唯尙賢下篇云昔伊尹爲莘氏女師僕案有莘氏以伊

尹佚女非以爲僕也佚僕字形相似知僕爲佚之譌也

說文衝突字本作衝今經典皆以衝代衝衝行而衝廢

矣唯備城門篇云以射衝及櫓縱衝衝形相似知衝爲

衝之譌也衝謂是書最古故假借之字亦最多如胡作

故尙賢中篇故不察尙賢降作隆尙賢中篇稷隆播種

火于夏之域誠作情又作請尙同下篇今天下王公大

隆並與降同義求爲上士節葬下篇今天下之士君子中請將欲爲仁

此拂作費愛下篇即此言行知作智節葬下篇智不

費也下文費作拂智下智字與知

同後凡知作志作之天志中篇子墨子之有天之下之

也後凡志作字作野非樂上篇高臺厚榭也小取

也者舉也物而以明之也也物即佗耕柱篇然

物後凡佗作也者放此佗俗作他聃作欣若築牆然

能築者築能實壤者實管作關耕柱篇周公旦非

壤能欣者欣與聯同管作關關叔公孟篇關叔為天

下之累人關悖作費魯問篇豈不費從作松號令篇松

並與管同皆足以見古字之借古音之通佗書所未有也其

脫誤不可知者則桀從闕疑以俟來哲道矣十一年九

月十三日高郵王念孫敘昔年八十有八

墨子第一

讀書

高

親士

正天下

昔者文公出走而正天下桓公去國而霸諸侯畢氏弇  
山云正讀如征念孫案畢讀非也爾雅曰正長也晉文  
爲諸侯盟主故曰正天下與下霸諸侯對文又廣雅正  
君也凡墨子書言正天下正諸侯者非訓爲長卽訓爲  
君尚賢篇曰堯舜禹湯文武皆非征伐之謂  
之所以王天下正諸侯者

豈可以

分議者延延而支荷者詬詬畢云支荷二字疑誤焉可以長生保國念孫案焉字下屬爲句焉猶乃也言如是乃可以長生保國也

### 一源

是故江河之水非一源也千鎰之裘非一狐之白也畢於源上增水之二字云據初學記藝文類聚引念孫案此本作江河之水非一源之水也今本脫之水二字而一源二字則不誤北堂書鈔衣冠部三初學記器物部引此竝作非一源之水初學記地部中引作非一源之流流字雖誤而一源二字仍與今本同畢謂初學記作



一水之源誤也太平御覽服章部十一引作江河之水  
非一源千鎰之裘非一狐皆節去下二字而一源二字  
亦與今本同其藝文類聚衣冠部引作非一水之源者  
傳寫誤耳

### 逝淺

是故谿陝者速涸逝淺者速竭引之曰逝淺二字義不  
相屬逝當爲遊俗書遊字作遊與逝相似而誤遊卽流  
字也曲禮注士視得旁遊目五步之中釋文遊作游云  
徐音流漢書項籍傳必居上游文穎曰居水之上  
流也游或作流韋元成傳德盛而游廣如淳曰游  
亦流也此卽荀子禮論篇所云積厚者流澤廣流淺  
與谿陝對文

脩身

譖惡

譖惡之言無入之耳念孫案譖惡卽譏惡左傳閒執譏  
惡之口是也僖二十八年譖與譖古字通故小雅巷伯篇取  
彼譖人緇衣注及後漢書馬援傳竝引作取彼譖人無  
入之耳言不聽譏惡之言也故下文曰雖有詆訐之民  
無所依矣

義

貧則見廉富則見義畢云義字當作簋說文云墨翟書  
義从弗則漢時本如此今書義字皆俗改也引之曰弗

於聲義均有未協弗當作𦵏𦵏古文我字與弗相似故  
譌作弗耳周晉姜鼎銘我字作𦵏是其明證𦵏之從𦵏  
聲與義之從我聲一也說文我字下重文未載古文作  
𦵏故於此亦不知爲𦵏字之譌蓋鍾鼎古篆漢人亦不  
能徧識也

幾

本不固者末必幾念孫案爾雅幾危也大雅瞻卬傳宣  
十二年左傳注  
並同言木本不固者其末必危也畢引廣雅幾微也已非  
確詁又引說文未玉篇古概  
古今二切木之曲頭止不能上也以  
幾爲未則失之愈遠矣

所染

高偃

晉文染於舅犯高偃畢云高偃未詳呂氏春秋高作郤

疑當爲郤晉有郤氏念孫案高當爲寧寧卽城郭之郭

形與高相近因譌爲高

賈子過秦篇據億丈之寧今本草譌作高

墨子多古

字後人不識故傳寫多誤耳左傳晉大夫卜偃晉語作

郭偃

韋注曰郭偃晉大夫卜偃也

商子更法篇韓子南面篇竝與晉

語同呂氏春秋作郤偃郤卽郭之譌非郤氏之郤也太

平御覽治道部一引呂氏春秋正作郭偃

王孫雒

吳夫差染於王孫雒大宰嚭畢改雒爲雒云舊誤作雒  
盧氏抱經鍾山札記曰今外傳吳語王孫雒舊宋本作  
王孫雒墨子所染篇同吳越春秋夫差內傳句踐伐吳  
外傳越絕請糴內傳皆作王孫雒說苑作公孫雒雜言  
篇

唯呂氏春秋當染篇作王孫雒史記越世家作公孫雒  
宋公序作國語補音定作雄字且爲之說曰漢改洛爲  
雒疑雒字非吳人所名今案宋說殊誤周禮職方氏豫  
州其川滎雒春秋文八年經書公子遂會雒戎傳作伊  
雒之戎宣三年傳楚子伐陸渾之戎遂至于雒是漢以  
前本有雒字豈東京創製此字乎以駱字證之則雒字

是矣念孫案盧說是也隸書雄字或作雒與雒相似故  
雒譌爲雄困學紀聞左氏類引國語呂氏春秋竝作雒  
韓子說疑篇有吳王孫頌頌卽雒之譌則其字之本作  
雒益明矣

必擇所堪必謹所堪

子墨子言見染絲者而歎曰染於蒼則蒼染於黃則黃  
故染不可不慎也非獨染絲然也國亦有染非獨國有  
染也士亦有染詩曰必擇所堪必謹所堪者此之謂也  
畢云堪當爲媿字假音念孫案媿訓爲樂與染義無涉  
堪當讀爲湛湛與漸漬之漸同

說文作澁  
云漬也

月令湛熾必

絮鄭注曰湛漬也內則說八珍之漬云湛諸美酒注曰

湛亦漬也考工記鍾氏以朱湛丹秫注曰鄭司農云湛

漬也元謂湛漬如漸車帷裳之漸是湛與漸同湛漬皆

染也

楚辭七諫曰漸染而不自知兮王注曰稍漬也必擇為漸汗變為染考工記鍾氏注曰漬亦染也

所湛猶云必擇所染耳荀子勸學篇曰蘭槐之根是為

芷其漸之滫中君子不近庶人不服其質非不美也所

漸者然也晏子春秋襍篇曰今夫蘭本三年而成湛之

苦酒則君子不近庶人不佩湛之麋醢而賈匹馬矣非

蘭本美也所湛然也願子之必求所湛說苑襍言篇曰

今夫蘭本三年湛之以鹿醢既成則易以匹馬非蘭本

美也願子詳其所湛既得所湛亦求所湛義竝與墨子同

法儀

而可

三者莫可以爲治法而可然則奚以爲治法而可念孫案旣言莫可以爲治法則不當更有而可二字此涉下句而衍

曉文一

是以天欲人相愛相利而不欲人相惡相賊也念孫案是以下有知字而今本脫之則文義不明上文曰奚以



知天之欲人之相愛相利而不欲人之相惡相賊也。是以知正與是以知相應。

七患

待祿 憂反

仕者待祿游者憂反。念孫案待當爲持。憂反當爲愛。交持猶守也。呂氏春秋慎大篇注言仕者守其祿游者愛其交皆爲

己而不爲國家也。管子明法篇曰小臣持祿養交不以

官爲事。晏子春秋問篇曰士者持祿游者養交。養交與

愛交同意。今本持作待。愛交作憂反。則義不可通。逸周書大

開篇禱無愛王。今本愛譌作憂。隸書交字或作文與反相似而譌。

故會不可不務也以下七句

故會不可不務也地不可不力也用不可不節也五穀  
盡收則五味盡御於主不盡收則不盡御畢本力譌作  
立云立節爲韻主御爲韻念孫案畢說非也古音立在  
緝部節在質部則立節非韻原本立作力力在職部力節亦非韻主在厚  
部御在御部則主御非韻畢未能了然於古音之界限  
但知古人之合而不知古人之分故往往非韻而以爲  
韻若一一辯正徒煩筆墨故發凡於此以例其餘明於  
三代兩漢之音者自能辨之也

五穀不孰謂之大侵

一穀不收謂之饑二穀不收謂之旱三穀不收謂之凶

四穀不收謂之饑

畢云饑與饑同言須饑餉念孫案須饑餉不得謂之饑畢說非也邵氏二

雲曰饑與饑通鄭注月令曰饑乏也案邵說是

五穀不收謂之饑畢於此下增

五穀不孰謂之大侵云八字舊脫据藝文類聚增念孫

案既言五穀不收謂之饑則不得又言五穀不孰謂之

大侵藝文類聚百穀部引墨子五穀不孰謂之大侵者

乃涉上文引穀梁傳五穀不升謂之大侵而衍故太平

御覽時序部二十百穀部一引墨子皆無此八字墨子

所記本與穀梁傳不同不可強合也下文饑則盡無祿

畢依類聚於饑下增大侵二字亦御覽所無

雉食

諸侯之客四鄰之使雉食而不盛畢云雉食疑一饗字之誤念孫案雉食當爲雉飧周官外饗凡賓客之飧饗饗食之事鄭注曰飧客始至之禮饗旣將幣之禮飧饗卽饗飧也饗雉古字通

重其子此疾於隊

今有負其子而沒者隊其子於井中其母必從而道之今歲凶民饑道餓句重其子此疾於隊其可無察邪引之曰重其子此疾於隊當作此疾重於隊其子疾病也言此病較之隊其子者爲尤重也今本顛倒不成文義

辭過

帶茭

古之民未知爲衣服時衣皮帶茭畢云說文云茭乾芻  
念孫案乾芻非可帶之物畢說非也說文筴竹索也其  
草索則謂之茭尚賢篇曰傳說被褐帶索謂草索也此  
言帶茭猶彼言帶索矣今楊州府人謂之草約音子  
夏則絺綌輕且清

冬則練帛之中足以爲輕且煖夏則絺綌輕且清畢云  
舊脫煖夏則絺綌輕且七字据北堂書鈔增念孫案夏  
則絺綌輕且清本作夏則絺綌之中足以爲輕且清與

冬則練帛之中足以爲輕且煖對文北堂書鈔衣冠部  
三引作冬則練帛輕且煖夏則絺綌輕且清省文也若  
下二句內獨少之中足以爲五字則與上二句不對矣  
羣書治要所引上下皆有此五字當據補

### 前方丈

厚作斂於百姓以爲美食芻豢蒸炙魚鼈大國累百器  
小國累十器前方丈目不能徧視手不能徧操口不能  
徧味畢改前方丈爲美食方丈云據文選注兩引改七  
注應據與從弟念孫案美食二字與上文相複畢改非  
君苗君書注也羣書治要引作前方丈則魏徵所見本正與今本同

文選注引作美會方丈者此以上文之美會與下文之方丈連引而節去芻豢以下十七字乃是約舉其詞不得據彼以改此也前方丈太平御覽治道部八引作前則方丈句法較為完足

故

故法令不急而行民不勞而上足用故民歸之念孫案上故字涉下故字而衍羣書治要無

脫文二

是以其民饑寒竝至故爲姦哀姦哀多則刑罰渙刑罰渙則國亂

舊本兩姦哀脫其一則義不可通今據羣書治要補

三辯

聖王上脫文

程繁問於子墨子曰聖王不爲樂念孫案聖王上當有  
夫子曰三字而今本脫之則文義不明下文今夫子曰  
聖王不爲樂是其證

聆缶

農夫春耕夏耘秋斂冬藏息於聆缶之樂畢云聆當爲  
飢又云太平御覽引作吟謠是也缶是缶字之壞念孫  
案今本墨子作聆缶者聆乃聆字之譌飢卽飢字也但  
移瓦於左移令於右耳北堂書鈔樂部七下缶鈔本太平



御覽樂部三及二十二下引墨子竝作吟缶吟亦吟之  
譌蓋墨子書缶字本作吟故今本譌作吟諸類書譌作  
吟而缶字則皆不譌也其刻本御覽作吟謠者後人不  
知吟爲吟之譌遂改吟缶爲吟謠耳上文云諸侯息於  
鐘鼓士大夫息於竽瑟此云農夫息於吟缶鐘鼓竽瑟  
吟缶皆樂器也淮南精神篇叩盆拊缶相和而歌盆卽缶也若吟謠則非樂  
器不得言吟謠之樂矣

命曰騶虞

周成王因先王之樂命曰騶虞念孫案御覽引作周成  
王因先王之樂又自作樂命曰騶吾是也上文云湯因

先王之樂又自作樂命曰護武王因先王之樂又自作樂命曰象卽其證今本脫去又自作樂四字則義不可通困學紀聞所引已同今本書傳中騶虞字多作騶吾故困學紀聞詩類引墨子尚作騶吾今作騶虞者後人依經典改之尚賢上

### 古者

古者王公大人爲政於國家者念孫案此謂今之王公大人非謂古也古者當依羣書治要作今者義見下文親疏

今上舉義不辟親疏念孫案親字涉上文而衍不避疏

義見上下文

近

今上舉義不辟近念孫案近字涉上文而誤近當爲遠  
不避遠見下文

名立而功業彰而惡不生

念孫案羣書治要引作名立而功成美章而惡不生是  
也功成與名立對文惡不生與美彰對文今本脫成字  
美字又譌作業則文不對而句亦不協矣美業字形相  
似故譌漢書賈誼傳一動而五  
美除今本美譌作業

尚賢中

故 尚賢爲政之本

故一本作胡不察尚賢爲政之本也盧云當云尚賢之爲政

本念孫案盧說非也下文曰胡不察尚賢爲政之本也且以尚賢爲政之本者亦豈獨子墨子之言哉與此文同一例則不得倒之字於爲政上矣故與胡同故下文又曰故不察尚賢爲政之本也今本脫爲字管子侈靡篇公將有行故不送公亦以故爲胡

外有以

內有以會飢息勞將養其萬民外有以懷天下之賢人念孫案外有以三字涉上文外有以爲皮幣而衍下文

曰內者萬民親之賢人歸之是養民與懷賢皆內事非外事也

曰若法 猶若

既曰若法未知所以行之術則事猶若未成念孫案曰者有之壞字也若法此法也若與此同義說見釋詞言既有此法而無術以行之則事猶然未成也猶若即猶然說見釋詞畢以若法爲順法失之

予鬱

詩曰告女憂卹誨女子鬱孰能執熱鮮不用瀼盧依毛詩改予鬱爲序縣念孫案鬱爲爵之譌予則非譌字也

上文言古聖王高子之爵重子之祿下文言今王公大人之用賢高子之爵而祿不從此引詩誨女子爵正與上下文子字同義則不得改子爲序矣毛詩作告爾憂恤誨爾序爵誰能執熱逝不以濯今墨子兩爾字皆作女序作子誰作孰逝作鮮以作用是墨子所見詩固有異文也

執

則此語古者國君諸侯之不可以不執善承嗣輔佐也念孫案善謂善待此承嗣輔佐之人卽上文所云高子之爵重子之祿任之以事斷子之令也善上不當有執

字蓋涉上下文執熱而行

母無

古者聖王唯母得賢人而使之般爵以貴之裂地以封之終身不厭賢人唯母得明君而事之竭四肢之力以任君之事終身不倦畢改母爲母云母讀如貫習之貫

下凡作母者同

念孫案畢改非也母語詞耳本無意義唯母得

賢人而使之者唯得賢人而使之也若讀母爲貫習之貫則文不成義矣下篇曰今唯母以尚賢爲政其國家百姓使國之爲善者勸爲暴者沮又曰然管吾所以貴堯舜禹湯文武之道者何故以哉以其唯母臨眾發政

而治民使天下之爲善者可而勸也爲暴者可而沮也

尚同中篇曰上唯母立而爲政乎國家爲民正長

唯與雖同

曰人可賞吾將賞之若苟上下不同義上之所賞則眾

之所非上唯母立而爲政乎國家爲民正長曰人可罰

吾將罰之若苟上下不同義上之所罰則眾之所譽下

篇曰故唯母以聖王爲聰耳明目

與唯亦與雖同

豈能一視

而通見千里之外哉一聽而通聞于旦之外哉非攻中

篇曰今師徒唯母興起冬行恐寒夏行恐暑此不可以

冬夏爲者也春則廢民耕稼樹藝秋則廢民穫斂今唯

母廢一時則百姓飢寒凍餒而外者不可勝數節用上



篇曰且大人唯母興師以攻伐鄰國久者終年速者數  
月男女久不相見此所以寡人之道也節葬下篇曰今  
雖母法執厚葬久喪者言以為事乎國家雖與唯同又曰今  
唯無以厚葬久喪者為政天志中篇曰故唯母明乎順  
天之意奉而充施之天下則刑政治萬民和國家富財  
用足百姓皆得煖衣飽食便甯無憂非樂上篇曰今王  
公大人雖無造為樂器以為事乎國家雖與唯同又曰今王  
公大人唯母處高臺厚榭之上而視之又曰今王公大  
人唯母為樂虧奪民衣食之財以拊樂如此多也此四句篇內凡又曰今唯母在乎王公大人說樂而聽之即必不  
三見

能蚤朝晏退聽獄治政今唯母在乎士君子說樂而聽之卽必不能竭股肱之力盡其思慮之智內治官府外收斂關市山林澤梁之利以實倉廩府庫今唯母在乎農夫說樂而聽之卽必不能蚤出暮入耕稼樹藝多歌

叔粟

各本叔謔作升辯見後升粟一條

今唯母在乎婦人說樂而聽之

卽必不能夙興夜寐紡績織紵多治麻絲葛緒網布縵以上諸篇其字或作母或作無皆是語詞非有實義也

孟康注漢書貨殖傳曰無發聲助也凡詩言無念爾祖無競維人無競維烈無淪胥以敗無淪胥以亡左傳言無甯茲許公復奉其社稷無亦唯是一

管子立政九敗

矢以相加遺皆孟康所謂發聲助也解篇曰人君唯母聽寢兵則羣臣賓客莫敢言兵人君

唯母聽兼愛之說則視天下之民如其民視國如吾國  
人君唯無好全生則羣臣皆全其生而生又養又與人  
君唯無聽私議自貴則民退靜隱伏窟穴就山非世閒  
上輕爵祿而賤有司人君唯無好金玉貨財必欲得其  
所好則必易之以大官尊位尊爵重祿人君唯母聽羣  
徒比周則羣臣朋黨蔽美揚惡人君唯母聽觀樂玩好  
則欺人君唯母聽請謁任譽則羣臣皆相爲請人君唯  
無聽諂諛飾過之言則欺以上諸條其字或作母或作  
無竝與墨子同義

失措

故雖昔者三代暴王桀紂幽厲之所以失措其國家傾覆其社稷者念孫案措字義不可通當是損字之誤大戴記曾子立事篇曰諸侯日旦思損讀爲扞故非命篇作其四封之內戰戰惟恐失損之失扞說文扞有所失也

未知

故當若之二物者王公大人未知以尚賢使能爲政也念孫案未知當作未嘗不知義見上下文

有慧

豈必智且有慧哉念孫案智且慧與前貴且智愚且賤文同一例慧上不當有有字蓋後人所加

若處官者

若處官者爵高而祿厚故愛其色而使之專念孫案若與故義不相屬若處官者當爲處若官者若官此官也若與此同義說見上文言以處此官者爵高而祿厚故特用其所愛也下文曰雖日夜相接以治若官是其證

漁雷澤

念孫案雷澤本作濩澤此後人習聞舜漁雷澤之事而以其所知改其所不知也漢書地理志河東郡濩澤縣應劭曰有濩澤在西北

濩澤在今澤州府陽城縣面嶠山下

穆天子傳

天子四日休于濩澤郭璞曰今平陽濩澤縣是也漢音

獲水經沁水注曰漢澤水出漢澤城面白澗渠東逕漢澤墨子曰舜漁漢澤又東逕漢澤縣故城南蓋以澤氏縣也又元和郡縣志河東道下太平寰宇記河東道下初學記州郡部正文出舜澤二字注曰墨子曰舜漁于漢澤在漢澤縣西今本初學記作雷澤與注不合明是後人所改太平御覽州郡部九路史疏佗紀引墨子竝作漢澤是墨子自作漢澤與他書作雷澤者不同下篇漁於雷澤亦後人所改

賤 賤傲 殃傲

其爲政乎天下也兼而憎之從而賤之念孫案賤當爲賊字之誤也尚同篇訓是上下相賊也天志篇上詬天中詬鬼下賊人非僞篇是賊天下之人者

也通策以私誣國賊之類此言桀紂幽厲之爲政乎天

也今本賊字並誤作賤

下兼萬民而憎惡之又從而賊害之非謂賤其民也上文云堯舜禹湯文武之爲政乎天下也兼而愛之從而利之愛利與憎賊正相反天志篇曰堯舜禹湯文武之兼愛天下也從而利之桀紂幽厲之兼惡天下也從而賊之故知賤爲賊之誤又下文率天下之民以詬天侮鬼賤傲萬民賤亦當爲賊傲當爲殺說文敖字本作𢇛殺字古文作𢇛二形相似故古文殺字誤爲𢇛又誤爲傲耳墨子多古字後人不識故傳寫多誤此說桀紂幽厲之暴虐故曰詬天侮鬼賊殺萬民非謂其賤傲萬民也上

文言堯舜禹湯文武尊天事鬼愛利萬民愛利與賊殺亦相反法儀篇曰禹湯文武兼愛天下之百姓率以尊天事鬼其利人多桀紂幽厲兼惡天下之百姓率以詬天侮鬼其賊人多故知賤傲爲賊殺之誤魯問篇賊敖百姓太平御覽兵部七十七引賊敖作賊殺是其明證也又明鬼篇昔者夏王桀上詬天侮鬼下殃傲天下之萬民殃傲二字義不相屬亦是殃殺之誤

下文殷王紂殃傲天下之

萬民同

隆

稷隆播種農殖嘉穀畢依呂刑改隆爲降念孫案古者



降與降通不煩改字

非攻篇天命融降火于夏之城亦以隆為降重服小記注以不其降

釋文降一本作隆荀子賦篇皇天降物以示下民隆即降字魏策休辰降於天曾劉本作休烈隆於天說文隆從生降聲書大傳隆谷鄭注隆讀如厖降之降是隆降古同聲故隆字亦通作隆荀子天論篇隆禮尊賢而王韓詩外傳隆作降史記司馬相如傳乘隆於統祿漢書隆作降注南秦族篇攻不待衝降而拔衝降即衝隆

不究

此道也大用之天下則不究小用之則不困畢云究一

本作窵非念孫案作窵者是也說見管子宙合篇

尚賢下

可而

使天下之為善者可而勸也為暴者可而沮也念孫案

可而猶可以也下文曰上可而利天中可而利鬼下可而利民與此文同一例詳見釋詞

僕

昔伊尹為莘氏女師僕畢云僕僕也僕今作媵念孫案僕即

僕之譌此謂有莘氏以伊尹媵女非以為僕也說文僕

送也呂不韋曰有佻同莘氏呂伊尹僕女今本呂氏春秋

木味篇僕作媵經傳皆作媵而僕字罕見唯墨子書有之

而字形與僕相似因譌而為僕淮南時則篇具曲僕音

筮筮今本僕作撲誤與此同

女何擇言人

女何擇言人何敬不刑何度不及引之曰言當爲否篆  
書否字作𠄎言字作𠄎二形相似隸書否字或作𠄎言  
字或作𠄎亦相似故否誤爲言否與不古字通故下二  
句云何敬不刑何度不及也今書作何擇非人何敬非  
刑何度非及非否不竝同義

言

今也天下言士君子皆欲富貴而惡貧賤念孫案言當  
爲之今天下之士君子皆欲富貴而惡貧賤又見下文  
草書言與之相似故之譌爲言

脫文八

今天下之士君子皆欲富貴而惡貧賤然文何爲而得  
富貴而辟貧賤哉曰莫若爲王公大人骨肉之親無故  
富貴面目美好者自莫若以下二十字爲一句舊本脫故富貴面目美好者八字據上下文  
補王公大人骨肉之親無故富貴面目美好者此非可  
學而能者也

無故

其所賞者已無故矣其所罰者亦無罪念孫案故乃攻  
字之誤攻故字相似又涉上文無故富貴而誤攻卽功字也無功與無罪  
對文

若此則飢者不得食寒者不得衣亂者不得治

舊本脫得食以

下十二字今據上文補

推而上之以

此五字與上下文義不相屬蓋涉上文推而上之而衍

尚同上

選天下之賢可者

是故選天下之賢可者念孫案選下有擇字而今本脫  
之下文及中下二篇皆作選擇太平御覽皇王部二引  
此同

其

上以此爲賞罰其明察以審信念孫案其當爲甚甚明  
察以審信見中篇

今若天 故當若天降寒熱不節

今若天飄風苦雨濛濛而至者此天之所以罰百姓之  
不上同於天者也念孫案今若天天當爲夫夫與天字  
相似篇內又多天字故夫誤爲天今若夫猶言今夫兼  
愛篇曰今若夫攻城野戰殺身而爲名此天下百姓之  
所皆難也又曰今若夫兼相愛交相利此自先聖六王  
者親行之又曰今若夫兼相愛交相利此其有利且易  
爲也不可勝計也鴻烈覽真篇曰今若夫申韓商鞅之

爲治也皆其證矣中篇云故當若天降寒熱不節雪霜  
雨露不時五穀不孰六畜不遂疾留戾疫飄風苦雨荐  
臻而至者此天之降罰也故當若天天亦夫字之誤降  
字則因下文降罰而衍

尚同中

己有善 傍

己有善傍薦之上有過規諫之念孫案己字義不可通

己當爲民字之誤也傍者溥也徧也

說文徧溥也旁與  
傍通說見經義述

聞周易旁行  
而不流下

言民有善則眾其薦之若堯典所云師錫

也上篇曰上有過則規諫之下有善則傍薦之下亦民

也下文已有善不能傷  
薦之已亦民之誤

脫文三

鄉長治其鄉而鄉既以治矣

舊本脫鄉長治三字下文  
曰國君治其國而國既已

治矣今  
據補

運役

譬之若絲縷之有紀而罔罟之有綱也將以運役天下  
淫暴而一同其義也念孫案運役二字義不可通當依  
上篇作連收字之誤也連收二字正承絲縷罔罟而言  
脫一字

非高其爵厚其祿富貴佚而錯之也念孫案佚上有遊



字而今本脫之則語意不完下篇曰非特富貴游佚而  
得之也是其證游佚卽淫佚語之轉耳

### 情請爲通

故古者聖王唯而

畢云而讀與能同

審以尚同以爲正長是故

上下情請爲通畢云文選注

東京賦

引作是故上下通情

念孫案此本作是故上下情通請卽情字也

畢子書多以請爲情

今作情請爲通者後人旁記情字而寫者遂誤入正文  
又涉上文以爲正長而衍爲字耳文選注引情通作通  
情者乃涉賦文上下通情而誤

### 談謀度

助之思慮者厭則其談謀度速得矣念孫案謀度上不  
當有談字蓋涉上文言談而衍

也

卽此語也古者國君諸侯之間見善與不善也皆馳驅  
以告天子念孫案卽與則同說見釋詞語猶言也則此語三

字文義直貫至以告天子而止則語下不當有也字凡  
墨子書用則此語三字者語下皆無也字此蓋後人不  
曉文義而妄加之

尚同下

用說

故古者建國設都乃立后王君公奉以卿士師長此非  
欲用說也念孫案說字義不可通說當爲逸字之誤也  
中篇曰夫建國設都乃作后王君公否用泰也卿大夫  
師長否用佚也否用佚卽非用逸是其證否猶非也說見尚賢下  
僞古文說命建邦設都樹后王君公承以大夫師長不  
惟逸豫卽用墨子而小變其文

### 助治天助明

唯辯而使助治天助明也念孫案下助字衍唯辯而使  
助治天明者辯讀爲徧古徧字多作辯說見日知錄天明天之明道  
也哀二年左傳曰言所以設此卿士師長者唯徧使助  
也二子順天明

治天道也

中篇作維辯  
使治天均

脫文六

故計上之賞譽不足以勸善計其毀罰不足以沮暴此

何故以然

句

則義不同也然

舊本解此六字案此何故以然疑問詞則義不同也

是答詞然則欲同一天下之義將奈何可又是問詞則舊脫中六字則上下文皆不可通矣今據上文補則

欲同一天下之義將奈何可

賞使家君

胡不賞使家君試用家君發憲布令其家念孫案賞字

義不可通賞當為賞

賞字相似又涉上下文賞罰而誤

使家君三字則

涉下文使家君而行

既言用家君則不

胡不當試用家

君發憲布令其家作一句讀

小用之

故當尚同之爲說也尚用之天子

舊本用作同涉上句尚同而誤今據下文

炎可以治天下矣中用之諸侯可而治其國矣小用之家君可而治其家矣引之曰小用之當作下用之與尚用之中用之對文下文小用之則與大用之對文今本下用作小用者卽涉下文小用之而誤

宛橫

是故大用之治天下不宛小用之治一國一家而不橫者若道之謂也畢云爾雅云宛閉也猶云無閑念孫案

畢說非也。宛不滿也。說見管子橫充塞也。孔子問居以  
注橫充也。祭義曰：暨之而塞乎天地。以小居大則宛以  
溥之而橫乎四海。說見戴先生文集。大入小則塞。唯此尚同之道，則大用之治天下而不宛，  
小用之治一國一家而不塞也。大戴記王言篇曰：布諸  
天下而不宛，內諸辟常之室而不塞。

### 差論

其所差論以自左右羽翼者，皆良念孫案差論皆擇也。  
爾雅曰：既差我馬，差擇也。所染篇曰：故善爲君者，勞於  
論人而佚於治官。呂氏春秋當染篇同。高注論猶擇也。  
詳見漢書武紀。非攻篇差論其爪牙之士比列其舟車之眾義  
與此同。

唯

唯欲母與我同將不可得也畢改唯爲雖念孫案古者

雖與唯通不煩改字

說見釋詞

情

今天下王公大人士君子中情將欲爲仁義求爲上士

舊本晚字據各篇補

上欲中聖王之道下欲中國家百姓之利

故當尚同之說而不可不察

舊本晚可不二字據各篇補

念孫案情

卽誠字言誠將欲爲仁義則尚同之說不可不察也尚

賢篇曰且今天下之王公大人士君子中實將欲爲仁

義實亦誠也非攻篇曰情不知其不義也故書其言以

遺後世若知其不義也夫奚說書其不義以遺後世哉  
情不知卽誠不知凡墨子書中誠情通用者不可枚舉  
又齊策臣知誠不如徐公美劉本誠作情呂氏春秋具  
備篇三月嬰兒慈母之愛諭焉誠也淮南繆稱篇誠作  
情漢書禮樂志正人足以副其誠漢紀誠作情此皆古  
書誠情通用之證

墨子第一



墨子第二

讀書雜誌七

高郵王念孫

兼愛上

不愛其異室

盜愛其室不愛其異室念孫案下句不當有其字蓋涉  
上下文而衍下文不愛異家不愛異國皆無其字是其  
證意林引無其字

脫文十一

若使天下兼相愛愛人若愛其身猶有不孝者乎視父

若其身

舊脫猶有以下十

惡施不孝

一宗今據下文補

脫文三

故不孝不慈無有

舊本脫故不慈有四字畢據下文補有宗今以上下文考之當作故不孝

不慈亡有不孝不慈亡有總承上文而言下文曰故盜賊亡有故大夫之相亂家諸侯之相攻國者亡有與此

文同一

例今補

脫文一

故天下兼相愛則治交相惡則亂

舊本脫交字今據下二篇補

兼愛中

脫文九

昔者晉文公好士之惡衣故文公之臣皆腓羊之裘章

以帶劒練帛之冠入以見於君出以踐於朝

舊本脫於字今據上

句念孫案練帛之冠下當有大布之衣且苴之屨八字  
而今本脫之上文曰晉文公好士之惡衣此但言冠而  
不言衣則與上文不合入以見於君是總承上文而言  
出以踐於朝則專指且苴之屨而言且苴即麤粗麤倉  
胡反粗才戶反說  
見廣雅疏證釋  
詁粗麤大也下今本脫且苴之屨四字則踐字義不可  
通下篇曰大布之衣牂羊之裘練帛之冠且苴之屨入  
見文公出以踐之朝是其證

危

朝有黧黑之危引之曰危與黧黑二字義不相屬危當  
爲色人痿則面色黧黑義見上文

脫文二

君說之故臣爲之也又下文君說之故臣能之也念孫案上文爲上脫能字下文能下脫爲字前文曰苟君說之則士眾能爲之後文曰若苟君說之則眾能爲之皆其證

荊楚于越南夷之民

南爲江漢淮汝東流之注五湖之處以利荊楚于越南夷之民畢云荊楚于越舊作楚荊越與据文選注改江賦念孫案畢改非也文選注本作荊楚于古寒越之民今本墨子作楚荊越與南夷之民但誤倒荊楚二字又脫

千字耳若與南夷之與則不誤也上文云燕代胡貉與  
西河之民此文云荊楚干越與南夷之民與非誤字明  
矣南夷謂荊楚干越以南之夷故曰荊楚干越與南夷  
又選注無與南夷三字省文耳畢誤以楚荊越與連讀  
故刪去與字耳干越卽吳越非春秋所謂於越也畢改  
干越爲干越亦非說見漢書貨殖傳

連獨無兄弟者

引之曰連與獨文義不倫

畢云連同鯀音相近字之異也經典或作焚或作燬皆假

音案無兄弟不得謂之鯀鯀焚傷三字聲與連皆不相近畢說非

連疑當作連與連相

似而誤連猶獨也故以連獨連文莊子大宗師篇彼特

以天爲父而身猶愛之而況其卓乎郭注曰卓者獨化之謂也秋水篇吾以一足跼卓而行玉篇卓較角切蹇也蹇者獨任一足故謂之蹇連與卓通漢書河間獻王傳卓爾不羣說苑君道篇蹕然獨立說文穉特止徐鍇曰特止卓立也卓蹕穉竝與連同聲皆獨貌也

### 兼愛下

#### 人與

人與爲人君者之不惠也臣者之不忠也父者之不慈也子者之不孝也此又天下之害也又與今人衍人字之賤人執其兵刃毒藥水火以交相虧賊此又天下之害

也念孫案人與當依下文作又與與者如也廣雅與如也說見釋  
詞上文若大國之攻小國也云云若如也此文兩言又  
與亦謂又如也畢反欲改又與爲人與俱矣

難哉 哉

用而不可難哉亦將非之念孫案難哉二字與下文義  
不相屬難哉當爲雖我字之誤也言兼愛之適如其用  
而不可則雖我亦將非之也又下文曰不識於兼之有  
是乎於別之有是乎哉以爲當其於此也天下無愚夫  
愚婦雖非兼之人必寄託之於兼之有是也哉亦當爲  
我下文又曰我以爲當其於此也天下無愚夫愚婦雖

非兼者

舊本兼者作兼君涉上下文兼君而誤今改正

必從兼君是也是其證

誰

誰以爲二士使其一士者孰別使其一士者孰兼引之  
曰誰字義不可通誰當爲設言設爲二士於此而使之  
各執一說也隸書設字作設誰字作誰二形略相似故  
設誤爲誰

衍文三

又有君大夫之遠使於巴越齊荆往來及否未及否未  
可識也念孫案此當作往來及否未可識也今本重出  
及否未三字



費

卽此言行費也畢依別本及下文改費爲拂念孫案直  
者拂與費通不煩改字大雅皇矣篇四方以無拂鄭箋  
曰拂猶危也中庸君子之道費而隱注曰費猶危也釋  
文費本又作拂同扶弟反是其證

子

然而天下之士非兼者之言猶未止也曰意可以擇士  
而不可以擇君子念孫案子當爲乎字之誤也乎與意  
文義相承下文曰意不忠親之利而害爲孝乎是其證  
有

其士偃前列伏水火而外有不可勝數也念孫案有字  
文義不順有當爲者字之誤也中篇曰士聞鼓音破碎  
亂行蹈火而外者左右百人有餘是其證

脫文三

今若夫兼相愛交相利

舊本脫愛交  
相三字今補

莫若

故君子莫若欲爲惠君忠臣慈父孝子友兄悌弟當若  
兼之不可不行也念孫案若欲爲惠君忠臣云云若止  
不當有莫字蓋涉上文莫若而衍

非攻上

也

至殺不辜人也掘其衣裳取戈劍者念孫案也卽掘字之誤而衍者

弗之而非

今至大爲不義攻國則弗之而非畢云一本無而字是念孫案之當爲知俗音知之相亂故知誤爲之上文皆知而非之正與弗知非相對且上下文皆作弗知非則之爲知之誤明矣

非攻中

古者 脫文一

古者王公大人爲政於國家者情欲譽之審賞罰之當  
刑政之不過失念孫案古者當爲今者說見尚賢篇譽上有  
毀字而今本脫之則文義不明尚同篇舉天下之人皆  
欲得上之賞譽而畏上之毀罰是其證過失下有脫文  
下文曰今者舊本亦作古者今改王公大人情欲得而惡失欲安  
而惡危故當攻戰而不可不非

往

與其牛馬肥而往瘠而反往外亡而不反者念孫案下  
往字涉上往字而衍

食飯

食飯之不時念孫案會飯當爲會飲之誤會飲不時見下篇

王民

然則土地者所有餘也王民者所不足也念孫案王民二字義不可通當是士民之誤士民與土地對文下文王民同

徙大內

越王句踐收其眾以復其讐入北郭徙大內圍王宮念孫案徙大內三字義不可通大內當爲大舟隸書舟字或作舟與內相似而誤吳語越王句踐襲吳入其郭焚

其姑蘇徙其大舟韋注曰大舟王舟也越春秋夫差內傳亦作徙其大舟

皆列

故差論其爪牙之士皆列其舟車之欲

舊本脫下其字今據上句補

念孫案皆當爲比天志篇比列其舟車之卒是其證下篇皆列同

乎

詩曰魚水不務陸將何及乎念孫案陸將何及乎不類詩詞乎字蓋淺人所加

非攻下

脫文一

今天下之所譽善者其說將何哉

舊本脫哉字天志篇曰天下之所以亂者

其說將何哉今據補

燔潰

攘殺其牲牷燔潰其祖廟引之曰燔與潰義不相屬燔潰當爲燔燎隸書祭字或作𤇗與𤇗字相似故字之從祭者或誤從貴史記仲尼弟子傳索隱引家語有申繚今本家語七十一弟子篇作申繚趙策魏殺呂遯下文又作呂遺皆其類必祭與貴隸相似故燎誤爲𤇗又誤爲潰耳此篇云攘殺其牲牷燔燎其祖廟天志篇云焚

燒其祖廟攘殺其犧牲文異而義同也

先列 無殺

又況先列北撓乎哉罪从無殺念孫案先列二字義不可通當是失列之誤謂失其行列也罪从無殺義亦不可通當作罪从無赦此涉上下文殺字而誤

剝振神之位 攘殺其犧牲

此刺殺天民剝振神之位傾覆社稷攘殺其犧牲念孫案剝與振義不相屬振當爲振字之誤也說文剝裂也廣雅振曹憲音必來反裂也是剝振皆裂也故曰剝振神位自刺殺天民以下皆以四字爲句今本作剝振神之位之



字涉上文取天之人攻天之邑而行攘殺其犧牲其字亦涉上文攘殺其牲牲而衍

周生之本

此爲周生之本竭天下百姓之財用念孫案周字義不可通周當爲害財者生之本也用兵而費財故曰害生之本隸書害字或作𠂔與周相似而誤逸周書度邑篇幼官篇信利害而無私韓子外儲說左害主上之法今本害字竝誤作周

偏

偏具此物而致從事焉畢云偏當爲徧念孫案古多以徧爲徧不煩改字非儒篇遠施周徧公孟篇今子徧從人而說之皆是徧之借字而畢皆徑

改爲偏則未達假借之旨也益象傳莫益之偏辭也孟  
喜曰偏周市也本或作偏者借字耳而王弼遂讀爲偏  
頗之偏惠氏定字已辯之檀弓二名不偏諱夫子之母  
名徵在言在不稱徵言徵不稱氏偏亦偏之借字故曲  
禮注云謂二名不一諱也而釋文偏字無音則亦誤  
讀爲偏頗字矣毛居正六經正誤已辯之又戴記勸  
學篇偏與之而無私塾策偏事三晉之吏漢書禮樂志  
海內偏知上德皆以偏爲偏又漢書郊祀志其遊以方  
偏諸侯張良傳天下不足以偏封張湯傳偏見貴人史  
記竝作偏若諸子書中以偏爲偏者則不可枚舉漢三  
公山碑興雲膚寸偏雨四海亦以偏爲偏然則偏之爲偏非傳寫之譌也

際之時 廁役

道路遼遠糧食不繼際食飲之時廁役以此飢寒凍餒  
疾病而轉外溝壑中者不可勝計也念孫案際字與上  
下文義不相屬未詳之時當爲不時會飲不時與糧食

不繼對文

茲見中篇

廁役二字義無所取當爲廡役之誤宣

十二年公羊傳廡役扈養外者數百人是其證

龍生廟 大哭 鬼呼國

昔者三苗大亂

舊本者下有有字卽者字之誤而行天者今據開元占經太平御覽引刪

命殛之日妖宵出雨血三朝龍生廟大哭乎市念孫案

龍生廟當作龍生於廟方合上下句法太平御覽禮儀

部十引此正作龍生於廟下文鬼呼國呼下亦當有於

字方合上下句法大哭乎市文義不明大當爲犬大哭

乎市與龍生於廟對文開元占經犬占引墨子曰三苗

大亂犬哭于市太平御覽獸部十七引隨巢子曰咎三

苗大飢龍生于廟犬哭于市皆其證

乃命元宮

高陽乃命元宮念孫案此當作高陽乃命禹於元宮下文禹征有苗正承此文而言又下文天乃命湯於鑣宮與此文同一例今本脫禹於二字則文義不明

磨

禹既已克有三苗句禹磨為山川別物上下禹字下屬為句禹猶

於是也乃也下文湯禹敢奉率其眾武念孫案磨字義王禹襲湯之緒義並與此同說見釋詞不可通磨當為歷歷與歷通周官逆師注曰曆者適歷適音滴中山經歷石之山郭注或作歷史記高祖功臣侯表歷簡侯程黑漢表作歷春申君傳漢曆之北新序善謀篇作歷業毅傳故鼎

反乎曆室燕策作歷歷之言離也大戴記五帝德篇曰歷離日月

星辰是歷與離同義淮南精神篇曰別為陰陽離為八  
極然則曆為山川亦謂離為山川也離與曆皆分別之  
義故曰曆為山川別物上下又天志中篇曆為日月星  
辰以昭道之曆亦當為曆曆為日月星辰猶大戴言歷  
離日月星辰也世人多見曆少見曆故書傳中曆字多  
譌作磨史記及山海經注曆字今本皆譌作磨又逸周書世俘篇伐曆楚策遠自乘於曆山之中今本亦譌  
作磨顏氏家訓勉學篇曰太山羊肅讀世本容成造曆  
以曆為碓磨之應則以曆為磨自古已然矣

還至 矢之所還 皆還父母妻子同產

還至乎夏王桀念孫案還字義不可通或曰還卽旋字

遠不得言還當爲逕逕與逮同說見漢書逮及也逕與

還字形相似而誤下文還至乎商王紂同又迎敵祠篇

城之外矢之所還還亦當爲逕謂矢之所及也下文矢

之所還同又號合篇自外罪以上舊本脫以字今補皆還父母

妻子同產還亦當爲逕謂罪及父母妻子同產也下文曰歸

敵者父母妻子同產皆車裂

### 序

天不序其德念孫案序順也言天不順紂之德非樂篇

引湯之官刑曰上帝不順是也爾雅曰順敘也敘與序

同法言問神篇曰事得其序之謂訓訓與順同周語曰  
周旋序順序亦順也說見經義述聞逸周書序曰文王告武王  
以序德之行

兄

王兄自縱也念孫案兄與況同況益也言紂益自放縱  
也小雅常棣篇況也永歎毛傳曰況茲也茲與滋同晉  
語厭況厚之韋注曰況益也無逸則皇自敬德漢石經  
皇作兄王肅本作況云況滋益用敬德大雅桑柔篇倉  
兄填兮召閔篇職兄斯引傳竝曰兄茲也

傳子

夫天下處攻伐久矣譬若傳子之爲馬然畢改傳爲傳  
云傳子言傳舍之人念孫案畢說非也傳當爲僮字之  
誤也僮今童字也說文僮未冠也魯語曰使僮子備官  
史記樂書曰使僮男僮女七十人俱  
歌宋世家曰彼牧僮耕柱篇曰大國之攻小國譬猶童  
子之爲馬也童子之爲馬足用而勞今大國之攻小國  
也攻者農夫不得耕婦人不得織以守爲事攻人者亦  
農夫不得耕婦人不得織以攻爲事故大國之攻小國  
也譬猶童子之爲馬也是其證

之絕

布粟之絕則委之幣帛不足則其之念孫案之絕二字



不詞當是乏絕之誤月令曰賜貧窮振乏絕是也委讀

委輸之委後漢書于乘貞王伉傳租委鮮薄法委謂委輸也

序利 有序

量我師舉之費以爭諸侯之歟舊本爭作課涉下文則諸字從言而誤今改

必可得而序利焉引之曰序利當為厚利隸書厚字或

作厚見漢荊州刺史史度尚碑又作厚見三公山碑形與序相似而誤詩序

厚人倫釋文厚本或作序非荀子王霸篇桀紂即厚於

有天下之執盟鐵論國病篇無德厚於民今本厚字並

謬作序此言量我興師之費以爭諸侯之歟者則厚利必

可得也明鬼篇曰豈非厚利哉今本厚作序則義不可通又備城

門篇百步一亭亭一尉舊本脫下一字據太平御覽職官部六十七補尉必取

有序忠信可任事者畢云有序言有資格非也序亦當  
爲厚厚上當有重字人必重厚忠信然後可以任事故  
曰尉必取有重厚忠信可任事者號令篇曰葆衛必取  
戍卒有重厚者請擇吏之忠信者無害可任事者令將  
衛是其證今本厚作序序上又脫重字則義不可通

者此

今欲爲仁義求爲上士尚欲中聖王之道下欲中國家  
百姓之利故當若非攻之爲說而將不可不察者此也  
念孫案不可不察者此也本作不可不察此者也此字  
指非攻之說而言言欲爲仁義則不可不察此非攻之

說也今本此者二字倒轉則與上文今欲二字義不相  
屬矣節葬篇故當若節喪之爲政而不可不察者此也  
者此亦此者之誤尚賢篇故尚賢之爲說而不可不察  
此者也明鬼篇故當鬼神之有與無之別以爲將不可  
以不明察此者也舊本脫下不字今補此者二字皆不誤  
節用上

### 脫文三

因其國家去其無用之費

舊本脫用之費三字  
今據下文及中篇補

### 便民

其發令興事便民用財也無不加用而爲者念孫案便

民二字與下句文意不合便民當爲使民言必有用之事然後使民爲之也

所

其欲蚤處家者有所二十年處家其欲晚處家者有所四十年處家念孫案所猶時也言有時二十年有時四十年也文十三年公羊傳注曰所猶時也詳見經義述聞左傳昭三十一年

籍斂 作斂 措斂

其使民勞其籍斂厚引之曰籍斂稅斂也大雅韓奕篇實畝實籍箋曰籍稅也正義引宣十五年公羊傳曰什

一而籍籍古讀若昨

說見唐韻正

辭過篇厚作斂於百姓作

斂與籍斂同非樂篇厚措斂乎萬民措字以昔為聲措

斂亦與籍斂同

脫文一

去無用之費聖王之道天下之大利也

舊本脫費字中篇曰諸加費不

加于民利者聖王弗為今據補

節用中

鞮鞞

凡天下羣百工輪車檣鞮陶冶梓匠畢云鞮說文云韋

繡也鞮當為鞮說文云柔革工也念孫案鞮即攷工記

函鮑韞韋裘之韞非謂韋繡也輪車梓匠爲攻木之工  
陶爲搏埴之工冶爲攻金之工然則韞鮑卽韞鮑爲攻  
皮之工也凡文吻問與脂旨至古音多互相轉故韞字  
或作韞鮑之爲鮑亦借字耳故攷工記又借作鮑

北降

南撫交阯北降幽都東西至日所出入念孫案降字義  
不可通降當爲際爾雅際接捷也郭注曰捷謂相接續  
也際降字形相似故傳寫易譌周易集解豐象傳豐其  
屋天降祥也引孟喜曰  
天降下惡祥也王弼本降祥作際  
際降字相似故周易與墨子互譌

飲於土壻

念孫案土壙乃飯器非飲器飲乃飯字之誤飯土壙已見畢注

斗以酌

念孫案斗上脫一字此與下文義不相屬酌下必多脫文不可考

利

古者聖王爲大川廣谷之不可濟於是利爲舟楫念孫案利字義不可通利當爲制隸書制字或作利與利相似而誤詳見管子五輔篇

節葬下

傳

若苟疑惑乎之二子者言然則姑嘗傳而爲政乎國家  
萬民而觀之畢本傳作傳念孫案傳字義不可通當依  
舊本作傳傳與轉通呂氏春秋必已篇若夫萬物之情  
人倫之傳高注曰傳猶轉莊子天  
運篇無方之傳應物而不窮漢書劉向傳禹稷與咎繇  
傳相汲引傳竝與轉同淮南主術篇生無乏用叔無轉  
尺逸周書大聚篇轉作傳襄二十五年  
左傳注傳寫失之釋文傳一本作轉言若疑惑乎二  
子之言則試轉而爲政乎國家萬民以觀之也

且故

且故與天下之利除天下之害念孫案且故二字文義  
不順當爲是故之誤興利除害正承上文而言



正夫

存乎正夫賤人外者畢云正同征念孫案畢說非也正  
當爲匹白虎通義曰庶人稱匹夫上文王公大人爲一  
類此文匹夫賤人爲一類無取於征夫也隸書匹字或  
作疋與正相似而誤禮器匹士大牢而祭謂之擗釋文  
匹本或作正緇衣唯君子能好其  
正注正  
當爲匹

扶

財以成者畢云以扶而埋之引之曰扶字義不可通扶  
當爲挾謂挾已成之財而埋之也隸書挾字或作挾與  
扶相似而誤方言扶護也今  
本挾譌作扶

者五 族人 月數

君外喪之三年父母外喪之三年妻與後子外者五皆

喪之三年然後伯父叔父兄弟孽子其

畢云同期

族人五月

姑姊妹舅皆有月數念孫案者五當爲五者謂君父母

妻與後子也

非儒篇曰妻後子三年

今本五者二字倒轉則義不

可通族人當爲戚族人謂族人之近者也非儒篇正作

戚族人五月

見儀禮喪服

今本脫戚字則義不可通公孟篇

戚族人五月今本亦脫戚字月數當爲數月公孟篇正

作姑姊妹舅皆有數月之喪

亦見喪服

今本數月二字倒轉

則文義不明

三鬟

夫眾盜賊而寡治者

夫字承上文而言舊本夫謄作先今改正

以此求治譬

猶使人三鬟而母負已也畢云三鬟未詳引之曰鬟與

還同還讀周還折還之還謂轉折也使人三轉其身於

已前則或轉而向已或轉而背已皆勢所必然如此而

欲使其母背已不可得也故曰以此求治譬猶使人三

鬟而母負已也亦言求治之必不可得也負亦背也

明堂

位天子負斧依注負之言背也秦策齊東負海北倚河高注負背也負與背古同聲而字亦相通又通作倍史記魯世家南面倍依以朝諸侯倍依即負依主父偃傳南面負屨漢書負作背漢書高紀項羽背約史記背作負

脫文一

若苟寡是城郭溝渠者寡也念孫案城郭溝渠上當有脩字而今本脫之則義不可通此脩字正承上文城郭脩城郭不脩而言

反其所

則惟

性與雖同說見釋詞

上帝鬼神降之罪厲之禍罰而棄之

禍之

罰之猶與也謂罪厲與禍罰也之字古或訓爲與說見釋詞

則豈不亦乃其所哉畢

改乃其所爲反其所念孫案畢改非也乃其所猶言固

其立言以不事上帝鬼神而獲禍固其宜也襄二十一

年左傳曰若上之所爲而民亦爲之乃其所也是其證

文二年傳吾以勇求右無勇而戰亦其所也若改為反  
哀十六年傳克則爲卿不克則京固其所也

久哭

外者既以葬矣生者必無久哭念孫案久哭當爲久喪  
喪字從哭亾聲墨子原文蓋本作哭見玉篇而傳寫脫  
去亾字耳節用篇曰外者既葬生者母久喪用哀是其  
證久喪二字見於本篇及它篇者多矣若作久哭則語  
不該備

南已

舜而教乎七戎道外葬南已之市念孫案南已後漢書

王符傳注引作南巴巴卽已之誤畢以作巴者爲是且云九疑古巴地案北堂書鈔及初學記禮部下引墨子竝作南已後漢書趙咨傳法及太平御覽竝引作南紀呂氏春秋安舛篇舜葬於紀市卽所謂南紀之市則已非誤字也若是巴字則不得與紀通矣墨子稱舜所葬地本不與諸書同不必牽合舜葬九疑之文也至謂九疑爲古巴地以牽合南巴則顯與上文而教乎七戎不合此無庸辯也

九夷

禹東教乎九夷畢云太平御覽引作教於越者以意改

之念孫案鈔本北堂書鈔

陳禹謨依今本改爲九夷

及初學記引此

竝作於越非作御覽者以意改也今本作九夷者後人因上文七戎八狄而改之不知此說堯舜禹所至之地初非以七戎八狄九夷爲次序也據下文云葬會稽之山會稽正在越地則當以作於越者爲是

### 土地

土地之溪下母及泉上母通臭念孫案土地二字文義不明土地當爲掘地寫者脫其右半耳下文曰掘地之溪下無菹漏氣無發泄於上節用篇曰掘穴溪不通於泉皆其證

以爲如此葬埋之法

豈憂財用之不足哉以爲如此葬埋之法畢云太平御覽引作以爲葬埋之法也念孫案北堂書鈔初學記亦如是於義爲長

卽

璧玉卽具戈劔鼎鼗壺盥文繡素練大鞅萬領輿馬女樂皆具念孫案卽字文義不順卽當爲旣言璧玉旣具而戈劔等物又皆具也

請謂

請可以富貧祿寡定危治亂乎畢從一本改請爲誠念



孫案古者誠與請通不煩改字尚同篇今天下之王公  
大人士君子請將欲富其國家眾其人民治其刑政定  
其社稷請卽誠字也又本篇下文今天下之士君子中  
謂將欲爲仁義求爲上士謂卽請之譌畢徑改爲誠皆  
未達假借之旨後凡改請爲誠者放此墨子書情請二  
字竝與誠通說見尚同篇

猶

若以此若三國者觀之則亦猶薄矣若以中國之君子

觀之

舊本脫以字據上文補

則亦猶厚矣念孫案爾雅猶已也言

亦已薄亦已厚也

墨子第二